

Međunarodna zajednica u BiH na raskršću: ostati ili otići



Šiling: tražio produženje mandata

Evropa nije načisto kako da stavi tačku na OHR

Finci: Možda ćemo imati Amerikanca na čelu OHR i Evropljanina na čelu drugog ureda ● Prije pisma Merkellovoj Šiling rekao da želi ostati u BiH

Britanski *Guradijan* objavio je u srijedu da je visoki predstavnik Kristijan Švarc Šiling "otpušten" nakon što su zvaničnici SAD, Britanije, Njemačke, Francuske i Italije na sastanku u Vašingtonu najavili da ga žele smijeniti, no OHR je to demantirao kazavši da je Nijemac, koji je nepunu godinu na čelu Ureda, sam najavio da neće tražiti produžetak mandata.

Dvije filozofije

Glasnogovornik OHR Oleg Milišić nije želio komentirati "špekulacije o navodnom sastanku u Vašingtonu", no ponovio je da je Šiling u pismu *Angeli Merkel* najavio da neće tražiti produžetak mandata, koji ističe 30. juna.

No, čudno je da je pismo napisano nakon što je Šiling medijsima kazao da želi ostati u BiH barem do kraja 2007. U OHR kažu da on to i dalje želi, ali da je u BiH bio prisutan i prije nego što je došao na čelo OHR, te da u zemlji može i dalje biti.

Na pitanje zašto Šiling nije tražio produženje mandata, Milišić kaže da "postaje sve jasnije da postoji potreba ostanka OHR sa bonskim ovlastima", te o tome visoki predstavnik ovih dana govori članicama PIC. Sa druge strane, dodaje Milišić, Šiling je od dolaska u BiH "razvijao koncept preuzimanja odgovornosti domaćih zvaničnika za zemlju, jer to smatra nužnim".

"Vidi se jasno da se radi o dvije

Kako PIC kaže

Direktor CESI u Sarajevu Senad Slatina kazao je za *Guardian* da je Šiling najgori visoki predstavnik u BiH. Finci, pak, kaže da se "tragovi visokih predstavnika vide tek kasnije pošto su njihove odluke često strategijske".

On napominje da Šiling nije upotrijebio bonske ovlasti, niti je nametno bilo koji zakon. Dodaje da su šefovi OHR eksponenti PIC-a ili čak svojih vlada.

različite filozofije", kazao je Milišić.

Upravni odbor PIC-a krajem februara trebao bi donijeti konačnu odluku o transformaciji OHR, a postoje različite špekulacije o budućnosti Ureda.

Jakob Finci, jedan od članova vodstva Centra za strategiju europskih integracija (CEIS) čiji je član bivši šef OHR Wolfgang Petrić, a bio je i Šiling, kaže da se da naslutiti da bi OHR mogao biti razdvojen na dva ureda. U vrijeme Ešdauna, naime, visokom je predstavniku dodijeljena i druga funkcija - specijalnog predstavnika EU, no nju je počeo stavljati u prvi plan tek Šiling.

"Moguće je da bi BiH mogla dobiti jednog Evropljanina i još jednog Amerikanca na čelu OHR", procjenjuje Finci i dodaje da bi to moglo biti solomonsko rješenje jer je očito da "Evropa nije ni sama načisto kako da stavi tačku na operaciju koja se zove stabilizacija BiH".

Tu se, dodaje, postavljaju druga pitanja, kakav će biti status Evropske komisije i odnos tri ureda. Međunarodna zajednica za sada ni

sama nije načisto, pa su špekulacije o tome kakva je sudbina OHR brojne, no niti jedna nije sigurna.

U isto vrijeme, CEIS, koji odavno zagovara produžetak mandata OHR, objavio je izvještaj u kojem upozorava da je "BiH još potreban OHR". Trebao bi to biti, smatra CEIS, fleksibilan i dinamičan mali ured, koji bi koristio bonske ovlasti kada god je to potrebno.

Posao nije završen

"Ovo je jedini način za međunarodnu zajednicu da zaštititi svoja znatna ulaganja u budućnost Bosne", piše u izvještaju.

CEIS smatra da je OHR potreban jer u BiH ne postoji konsenzus o pravcu kojim bi zemlja kao politička zajednica trebala kretati, to što ključne reforme još nisu provedene i što BiH još nije učvršćena u Evropi. CEIS smatra da OHR završio posao u BiH, jer mnogi dijelovi Dejtonskog sporazuma nisu provedeni do kraja.

Jedan od razloga koji govori u prilog snažnom međunarodnom prisustvu u BiH, CEIS je formulišao kroz pitanje da li je BiH dovoljno stabilna da se odupre mogućim rješenjima statusa Kosova. CEIS podsjeća međunarodnu zajednicu da je "odgovorna za regionalnu sigurnost na Balkanu u vremenu velikih potencijalnih opasnosti".

A. OMERAGIĆ

Svjesni smo da Šiling odlazi

"Svjesni smo da je visoki predstavnik za BiH Kristian Švarc Šiling najavio da neće tražiti produženje mandata nakon 30. juna. Međutim, na Vijeću za implementaciju mira i zemljama članicama Evropske unije je da sada odluče koji će biti daljni aranžmani u pogledu mandata i personala", smatra britanski ambasador u BiH Metju Rajkroft.

I. T.